

338.14

4-21

# ԿԱՆՈՆԱԴՐՈՒԹՅՈՒՆ

ՀՈՂՈԳՏԱԳՈՐԾՄԱՆ ԱՐՏԵԼԻ

(ԿՈՂԼԵԿՏԻՎ ՏՆՏԵՍՈՒԹՅԱՆ)



---

„ՀԱՅԳՈՒՂԿՈՐՊ“-Ի ՀՐԱՏԱՐԱԿՈՒԹՅՈՒՆ № 5

ՅԵՐԵՎԱՆ—1927 թ.

17 MAY 2013

30578

338.14

4-21

05 JAN 2010



### ԿԱՆՈՆԱԴՐՈՒԹՅՈՒՆ

ԿՈՒԼԵԿՏԻՎ ՏՆՏԵՍՈՒԹՅԱՆ

Արտելի նպատակը, իրավունքները ու պարտականությունները:

§ 1.

Սույն կանոնադրության հիման վրա գործում է աշխատավորական հոգադրական արտելը

1367

անվան տակ:

§ 2.

Արտելը իր յերկրագործական անտեսությունը վարում է \_\_\_\_\_ գավառի \_\_\_\_\_ գավառակի

գյուղում:

Արտելի վարչությունը գտնվում է \_\_\_\_\_ գավառի \_\_\_\_\_

գավառակի \_\_\_\_\_ գյուղում:



§ 3.

Արտելը նպատակ ունի բարձրացնելու իր անդամների անտեսական վիճակը, կազմակերպելով ընկերական հիմունքներն վրա, նրանց աշխատանքները յերկրադորձական տրնտեսությունում միատեղ, արտադրելու գյուղատնտեսական միջերջներ:

§ 4.

3-րդ կետում նշված նպատակներին հասնելու համար արտելին իրավունք և վերադասվում՝

ա) Ստանալ հողային սրենսդրքով նախատեսված (հատկացման կարգով) ստանձին հողամասեր աշխատավորական ընկերական սպառարձության համար:

բ) Հողային սրենսդրքով նախատեսված կարգով, միատեղ կենտրոնացնել արտելի անդամների սպառարձման ներքն անցած հողամասերը:

գ) Ստանալ հողամասեր կապալով սպառարձելու համար:

դ) Կառուցել արտելի սպառարձման համար, ինչպես անդամներից ստացած հողարած իննների միջոցով, նույնպես կապալով սպառարձման համար վերցրած հողամասերի վրա մեկ հողային ընդհանուր անտեսություն, վորտեղ արտելի անդամները և նրանց ընտանիքներն աշխատում են միատեղ, յենթարկիվելով արտելի ընդհանուր ղեկավարությանը:

յե) Ձեռք բերել արտելի անդամներից և կողմնակի անձնավորություններից, վորպես սեփականություն և ժամանակավոր սպառարձման համար, բանվոր անտեսներ գյուղատնտեսական մեքենաներ և գործիքներ, ամեն տեսակի նյութեր և այլ կալք, վորոնք անհրաժեշտ են գյուղացու անտեսությունը տանելու համար:

զ) Կառուցել արհեստանոցներ, շենքեր և սարքավորումներ, գյուղատնտեսական միջերջների վերամշակման համար (ջրաղացներ, չորանոցներ, պանրագործարաններ, յուղագործարաններ, ոսլայի գործարաններ և այլն) նմանապես արհեստանոցներ գյուղատնտեսական մեքենաների և գործիքների պատրաստման և վերանորոգման համար:

ե) Գյուղատնտեսական աշխատանքից դուրս, ազատ ժամերին, կազմակերպել արտել սկզբունքներով, իր անդամների համար ոժանդակ արհեստավորական զբաղմունքներ:

ը) Կազմակերպել արտելի տնտեսության և առանձին անդամների տնտեսությունների միջերջների վաճառահանման գործը, նույնպես և մատակարարել արտելի անդամներին ամեն տեսակի պարագաներ՝ իրենց տնտեսությունը վարելու և այդ նպատակի համար բացել պահեստներ և խանութներ:

թ) Կազմակերպել փորձնական և ցուցադրական դաշտեր, բանջարանոցներ, այգիներ, Փերմաներ, ագարակներ, նույնպես սերմնա—և ցեղային բուծարաններ, տնկարաններ, կազմակերպել վարձու, սերմազտիչ, տեսակավորման, վերահսկիչ և բեղմնավորման կայաններ:

ժ) Կազմակերպել իր անդամների համար, հանրակացարաններ, ճաշարաններ, մանկական մսուրներ, բաղնիքներ և այլն:

ի) Հրավիրել ամեն ճյուղի մանազետներ՝ վարելու ինչպես արտելի տնտեսությունը, նույնպես և տալու արտելի առանձին անդամներին անհրաժեշտ խորհուրդներ:

լ) Կազմակերպել կառուցումներ՝ դաշտերը վորոգելու և չորացնելու համար, նմանապես սպառարձելու ելեքտրականությունը, գյուղային տնտեսության ու տնային տրնտեսության մեջ:



բ) Տարածել դյուղատնտեսական և կոտպերատիվ գիտելիքներ, վորի համար կազմակերպել ընթերցարաններ, դարարաններ, դասընթացքներ, դասախոսություններ և այլ ոգտակար հիմնարկ-ձեռնարկներ արտելի համար:

ձ) Ցույց տալ իր անդամներին աջակցություն, աշխատավորական տնտեսությունը վարելու գործում, յեթե նրանք բացի արտելի տնտեսությունում մասնակցություն ունենալուց, ունեն նաև առանձին տնտեսություն:

կ) Ընդհանրապես ձեռք առնել բոլոր տեսակի միջոցները, ամենահաջող ձևով հասնելու արտելի նպատակներին:

### § 5.

Արտելը իրավունք ունի բոլոր իրավական միջոցներով ձեռք բերել և ստարել կայք, կնքել պայմանագրեր, տալ և ստանալ մուրհակներ և այլ տեսակի պարտավորադրեր, հարուցել հայցեր և պատասխանել դատարաններում, ընդհանրապես ողտվել իրական անձի բոլոր իրավունքներով:

### § 6.

Իր պարտավորությունների հանդեպ, արտելը պատասխանատու յե իր ամբողջ ունեցվածքով: Բացի դրանից արտելի պարտքերի շիջեցումը ապահովում և անդամների ունեցվածքային պատասխանատվությամբ (հոդ. 17-րդ):

### § 7.

Արտելը իրավունք ունի ընդհանուր ժողովի վորոշմամբ, անդամադրվել կոտպերատիվ միություններին, ընկերություններին և համայնքներին, վորոնք կարող են ոժանդակել իրեն նպատակին հասնելու համար:

### § 8.

Արտելը ունենում և իր անվանական կնիքը:

## ԱՐՏԵԼԻ ԿԱԶՄԸ ՅԵՎ ԱՆԴԱՄՆԵՐԻ ԻՐԱՎՈՒՆՔՆԵՐԸ ՈՒ ՊԱՐՏԱԿԱՆՈՒԹՅՈՒՆՆԵՐԸ

### § 9.

Արտելի անդամներ կարող են լինել 18 տարեկան հասակը լրացած յերկեսու քաղաքացիները, վորոնք իրենց աշխատանքով դյուղատնտեսությամբ են զբաղվում:

### § 10.

Արտելի մեջ անդամի ընդունելությունը կատարում և ընդհանուր ժողովը, ըստ վորում նախքան ընդունելութունը կարող են նշանակել վորոշ ժամանակ վորձության համար, վորի ընթացքում թեկնածու անդամը աշխատում և արտելում մյուս անդամների հետ, ընդհանուր հիմունքներով, սակայն անդամների ընդհանուր ժողովում չի ունենում վճռական ձայնի իրավունք:

### § 11.

Այն անձնավորությունը, վոր ցանկանում և ընդունվել արտելի մեջ, տալիս և արտելի վարչությանը դիմում, վորի մեջ բացի միջնորդություն հարուցելուց, հայտարարում և, վոր նա պարտավորվում և յենթարկվել սույն կանոնադրության բոլոր վորոշումներին, ընդհանուր ժողովի սահմանած կանոններին, նույնպես իր վրա յե վերցնում պատասխանատվություն, արտելի պարտավորությունների հանդեպ՝ համաձայն սույն կանոնադրության 17-րդ հոդվածի:

### § 12.

Արտելի յուրաքանչյուր անդամը իրավունք ունի՝

ա) Մասնակցել արտելի բոլոր գործերին, ողտվելով անդամների ընդհանուր ժողովում վճռական ձայնի իրավունքով:



բ) Ներկայացնել վարչության, վերստուգիչ հանձնաժողովին և ընդհանուր ժողովին արտելի գործերով ամեն տեսակի դիմումներ:

գ) Արտելի աշխատանքներից ազատ ժամանակ կարող է գրադվել իր տնտեսութամբ, ոգտվելով արտելի աջակցութամբ:

դ) Ստանալ արտելի կողմից սահմանած հիմունքներով, իր աշխատանքների համար վարձատրություն:

### § 13.

Արտելի յուրաքանչյուր անգամ պարտավոր է՝

ա) Արտելը ընդունվելու ժամանակ մուծել անվերադարձ մուտքի վճար (հոդ. 27) և ընդհանուր ժողովի կողմից վորոշած փայ (հոդ. 24):

բ) Յենթարկվել կանոնադրությանը, ընդհանուր ժողովի վորոշումներին և առհասարակ արտելի բոլոր որինական պահանջներին:

գ) Կրել պատասխանատվություն արտելի գործերով համաձայն սույն կանոնադրության 17-րդ հոդվածի:

դ) Իր անհատական աշխատանքով մասնակցություն ունենալ արտելի գործերում—նրա ղեկավարութամբ:

### § 14.

Յուրաքանչյուր անգամ կարող է հեռանալ արտելից, տարվ այդ մասին վարչությանը գրավոր հայտարարություն: Հեռացման որը հաշվվում է հաշվետու տարվա վերջին որը, յեթե հեռանալու մասին հայտարարությունը տված է վոչ պակաս, քան յերեք ամիս առաջ, մինչև նույն տարվա վերջը, հակառակ պարագային դուրս գալու որը հաշվվում է հետևյալ հաշվետու տարվա վերջին որը:

Արտելից հեռացած անգամը կարող է նորից վերընդունվել:

Արտելի անգամը վորը հայտարարում է արտելից իր հեռանալու մասին, ազատվում է արտելի տնտեսությունում աշխատելու պարտականությունից, առնվազն մի ամսից հետո, հաշված հեռանալու մասին տրված դիմումի որից: Այդ ժամանակից էլ արտելի պահանջմամբ նա պարտավոր է թողնել արտելի ադարակը, յեթե նա ապրում է այնտեղ:

### § 15.

Արտելի մահացած անգամը համարվում է դուրս յեկած արտելից հաշվետու տարվա վերջին որը, վորի ժամանակաընթացքում նա մահացել է. մինչև այդ որը մահացածի ունեցվածքային իրավունքները անցնում են նրա իրավահաջորդներին: Սակայն մահացածի իրավունքները՝ ընդհանուր ժողովին մասնակցելու և զանազան պաշտոններ տանելու նրկատմամբ արտելի մեջ, իրավահաջորդներին չի անցնում:

### § 16.

Ընդհանուր ժողովի վորոշմամբ արտելից կարող են հեռացվել այն անդամները, վորոնք չեն կատարում իրենց պարտականությունները արտելի հանդեպ, կամ գործել են ի վնաս նորան: Հեռացման որը համարվում է հաշվետու տարվա վերջին որը, վորի ընթացքում կատարվել է հեռացումը, սակայն ընդհանուր ժողովում մասնակցել, արտելում ունենալ պաշտոններ և ոգտվել արտելի աջակցութամբ, հեռացվածը իրավունք չունի, սկսած այն ժամանակից, յերբ ստացել է ծանուցում հեռանալու մասին: Արտելից հեռացվածը կարող է վերստին ընդունվել վորպես անգամ, միմիայն ընդհանուր ժողովի վորոշմամբ:

Արտելից հեռացված անգամը արտելի տնտեսություն



նում աշխատելու իրավունքը կորցնում է, յերկու շաբաթից հետո հաշված այն օրից, յերբ ընդհանուր ժողովը վորոշում է կայացրել նրան հեռացնելու մասին և այդ ժամանակվանից վոչ ուշ նա պետք է հեռանա արտելի տնտեսությունից, յեթե նա ապրում է այնտեղ:

§ 17.

Արտելի յուրաքանչյուր անդամը մյուս մնացածների հետ կրում է լրացուցիչ ունեցվածքային պատասխանատվություն արտելի պարտավորությունների հանդեպ փոխադարձ յերաշխավորությամբ, համաձայն 16 և 97 հոփածների: Սակայն այդ պարտավորությունը չպետք է գերազանցի յուրաքանչյուր գեպքում փայերի . . . . . պատիկ գումարից:

§ 18.

Արտելի նոր ընդունված անդամները պատասխանատու յեն նաև այն պարտավորությունների համար, վորոնք առաջացել են նախ քան նրա ընդունվելը:

§ 19.

Արտելից հեռացվածները, կամ նրանց իրավահաջորդները 1-ի տարվա ընթացքում՝ հաշված դուրս յեկած օրից, պատասխանատու են արտելի պարտքերի հանդեպ, վորոնք առաջացել են նախ քան նրա հեռանալը:

§ 20.

Արտելից հեռացված կամ մահացած անդամների իրավահաջորդներին տրվում է նրա տարած աշխատանքի վարձատրությունը:

Փայը, վորը մուծել է հեռացված անդամը վերադարձվում է նրան ընդհանուր ժողովի կողմից նույն դործառնական տարվա հաշվետվությունը հաստատելուց հետո, յերեք

ամիս հետո: Փայերը վերադարձվում են, նրան հասանելիք ոգուտի հետ միասին, կամ դուրս են գալիս փայից հեռացվածին բաժին ընկած վնասը:

Փայավճարը, վորը անդամը մուծել է բնականով, վերադարձնում է արտելը ըստ իր հայեցողության. բնականով կամ զնահատությամբ—դրամով, համաձայն 24-րդ հոգվածի, ըստ վորում յեթե վերադարձվելիք կայքի արժեքը նրա դործածության հետևանքով իջել է քան սկզբնական զնահատությունները՝ տարբերությունը տրվում է դրամով: Այն հոգամասը, վոր ընդունված էր անդամից արտելի ոգտադործության համար, հեռացվածին վերադարձվում է հիմնադիրների կողմից սահմանած կարգով (հոգային օրենսգրքի 107, 108 և 110 հոգվածներով) և ընդհանուր ժողովի կողմից հաստատված հատուկ հրահանգով:

Մնացած բոլոր կայքը, վորը անդամի կողմից տրված է յեղել արտելին ժամանակավոր ոգտադործման համար պայմանավորված հիմունքներով, այդպիսին վերադարձվում է հեռացված անդամին, կամ նրա հաջորդներին համաձայն պայմանագրի: Բացի վերոհիշյալ կայքի և փայավճարներից, հեռացված անդամները իրավունք չունեն ստանալու վորևէ մաս, արտելի այլ ունեցվածքի և դրամագրություններից:

§ 21.

Արտելի փակման դեպքում, մինչև անդամների պատասխանատվության ժամկետի լրանալը (հոգ. 19-րդ), արտելից հեռացվածները կամ նրանց հաջորդները իրավունք ունեն ունեցվածքի վրա և արտելի պարտքերի հանդեպ մյուս անդամների հետ պետք է կրեն համահավասար պատասխանատվություն:



§ 22.

Արտելը ունենում է հիմնական և պահեստի դրամադր-  
լուււններ, և բացի դրանից ընդհանուր ժողովի վորոշմամբ  
կարող են կազմվել նաև հատուկ դրամադրուււններ:

§ 23.

Հիմնական դրամադրուււնը գոյանում է արտելի անդամ-  
ների փայերի գումարներից, նվիրատուութուններից կամ  
հիմնական դրամադրուււնը ուժեղացնելու համար, ստացած  
փոխառութուններից և զուտ վաստակից հանած հատկա-  
ցումներից:

Հիմնական դրամադրուււնը հատկացվում է արտելի շըր-  
ջանառության համար:

§ 24.

Փայը սահմանվում է . . . . . ուրբի և մուծվում է  
լիովին արտելի մեջ ընդունվելու ժամանակ, կամ ժամկետ-  
ներով համաձայն ընդհանուր ժողովի կողմից սահմանած  
կանոնների:

Փայերի ինչպես և արտելի մյուս դրամադրուււնների  
կայքի վրա չեն կարող դրվել արգելանքներ՝ արտելի առան-  
ձին անդամների պարտքերի համար նաև կատարել անվիճելի  
վարչական պահանջներ:

Փայը չի կարող տրվել ուրիշ անձնավորության

Փայը կարելի չէ մուծել վոչ միայն դրամով, այլ և  
զանազան ինվենտարով և կայքով-արտելի համաձայնու-  
թյամբ: Մուծած կայքը գնահատվում է վարչության և կայ-  
քը տվող անդամի համաձայնությամբ: Կայացած համաձայ-  
նությունը յենթակա չէ ընդհանուր ժողովի հաստատման:

Հողի ոգտագործման իրավունքը, յեթե այն տրվում է  
արտելին յենթակա չէ գնահատման և հաշվելու յե վորպես  
փայ:

§ 25.

Հիմնական դրամադրուււնի համար փոխառության կնքումը  
կատարվում է միմիայն պայմանագրով, վորով պետք է նա-  
խատեսնված լինի թե վեբցրած գումարը, արտելի փակման  
դեպքում վերադարձվում է պարտատիրոջը արտելի մյուս  
բոլոր պարտքերը վճարելուց հետո, բացառությամբ փայի  
դրամադրուււնի վճարներից:

§ 26.

Պահեստի դրամադրուււնը գոյանում է արտելի մուտքի  
վճարներից, զուտ վաստակի մասնատրումից և ընդհանուր  
ժողովի վորոշմամբ, նույնպես արտելի տրամադրության  
տակ գտնված ուրիշ գումարներից: Պահեստի դրամադրուււնը  
ծառայում է արտելի կրած վնասները ծածկելու համար:

§ 27.

Մուտքի վճարը սահմանվում է . . . . . ուրբի:

§ 28.

Մինչև վոր պահեստի դրամադրուււնը չի հասնի հիմնա-  
կան դրամադրուււնի կիսի չափին, նրան է հատկացվում ամին  
տարի ամբողջ վաստակի վոչ պակաս մեկ քառորդ ( $\frac{1}{4}$ ) մասը:

§ 29.

Հատուկ դրամադրուււններ կազմելու դեպքում, ընդհա-  
նուր ժողովը առանձին առանձին պիտի սահմանի, նրանց  
նպատակը, ինչ ձևով են նոքա գոյանում և ինչ կարգով են  
նրանք ծախսվում:

Հատուկ դրամադրուււններ կարող են կազմվել՝ ա) ար-  
տելի ընդհանուր ժողովի անդամների քանակի  $\frac{3}{4}$ -ի վորոշ-



մամբ, անդամների մուտքի վճարներից, բ) նվիրատվութ-  
յուններից, գ) համաձայն ընդհանուր ժողովի վորոշմամբ  
զուտ վաստակի մասնատրումներից, դ) հատուկ փոխառու-  
թյուններից և յե) այլ միջոցներից :

Հատուկ դրամադուլները կարող են ոգտագործվել կամ  
վորեւ տնտեսական կարիքների համար ինչպես որինակ՝  
ջրաղացների, արհեստանոցների, փորձնական ցուցադրական  
դաշտերի, գրադարանների, դպրոցների կառուցումների և  
այլն, կամ փոխադարձ ոգնության նպատակներով՝ ինչպես  
որինակ արտելի անդամներին վորպես նպաստ տալու՝ հի-  
վանդության, հաշմանդամության և այլ նման դեպքերում  
կամ թե վորեւ տան կառուցման, կայք ձեռք բերելու և  
այդպիսին բարելավելու համար :

Հատուկ դրամադլի ծախսելու կարգը վորոշում է ընդ-  
հանուր ժողովը :

## § 30.

Արտելը իր միջոցները ուժեղացնելու համար, կարող է  
վարկավորվել և փոխառություն վերցնել վորոշ պայմաննե-  
րով, վորոնք սահմանվում են ընդհանուր ժողովի կողմից :

Բացի դրանից, արտելը կարող է ընդունել իր անդամ-  
ներից ափանդներ վորոշ ժամկետներով և ըստ պահանջման,  
ինչպես դրամական գումարներով նույնպես և ուրիշ իրե-  
ղեններով (գնահատությամբ) : Այդպիսի առարկաների ըն-  
դունման պայմանները սահմանում է ընդհանուր ժողովը :

## ԱՐՏԵԼԻ ՏՆՏԵՍՈՒԹՅՈՒՆԸ .

## § 31.

Արտելի տնտեսությունը տարվում է նախապես կազմած  
և ընդհանուր ժողովի կողմից հաստատված ծրագրով :

Յուրաքանչյուր բանվորական սեզոնի սկզբին, ընդհա-  
նուր ժողովը մշակում է հատուկ հրահանգներ, վորոնք վո-  
րոշում են արտելային աշխատանքների մանրամասն կանոն-  
ները, աշխատանքի հաշվետումը, նրա գնահատումը  
և այլն :

## § 33.

Արտելային հողի մշակումը կատարվում է ինչպես ար-  
տելին պատկանյալ ինվենտարով (կենդանի և մեռյալ),  
նույնպես և արտելի անհատ անդամներին պատկանյալ ին-  
վենտարով (կենդանի և մեռյալ), արտելի անհատ անդամ-  
ներին պատկանյալ ինվենտարի տիրոջ համաձայնությամբ :

## § 34.

Ամեն տեսակի կայք, այն է՝ բանվոր անասուններ,  
գյուղատնտեսական մեքենաներ և այլն, վորոնք տրվում են  
մասնակցողների կողմից արտելին՝ ժամանակավոր ոգտա-  
գործության համար, այդպիսի ընդունվում են հատուկ  
համաձայնագրով, վորի մեջ ըստ ընդհանուր ժողովի կող-  
մից հաստատված վորոշումների, պետք է սահմանվեն կայ-  
քի գնահատումը, ժամկետը, գիշերային աշխատավարձը,  
նույնպես այլ պայմանները, վորոնք կողմերը անհրաժեշտ  
կհամարեն մտցնել համաձայնագրի մեջ : Վերոհիշյալ հա-  
մաձայնագիրը վարչության կողմից գրի յե առնվում հա-  
տուկ գրքի մեջ : Մասնակցողը կարող է պահանջել, վոր վե-  
րոհիշյալ գրանցման պատճենը տրվի իրեն :

## § 35.

Յեթե սույն կանոնադրության 20, 24 և 34 հոդվածնե-  
րում կայքի գնահատումը չի կայանա արտելի վարչության  
և անդամի միջև, այն դեպքում գնահատումը պետք է կա-



տարվի հատուկ հանձնաժողովի կողմից, վորի վորոշումը պարտավորեցուցիչ է թե անդամի և թե արտելի համար: Վերահիշյալ հանձնաժողովը կազմվում է՝ ա) մեկ անձից, վորը ցույց կտա արտելի անդամը, վորի հետ պետք է կայանա համաձայնությունը, ըստ վորում այդ անձը ազգակցական կապեր չպետք է ունենա նրա հետ. բ) մեկ անձից ըստ արտելի վարչության ցուցմունքի, վորը չի պատկանում արտելի վարչության կազմին և գ) 3-րդ անձից, ըստ յերկուկողմերի ընտրության, վորը հանդիսանում է նշած հանձնաժողովի նախագահը:

### § 36.

Արտելի յուրաքանչյուր անդամ պարտավոր է մասնակցել ընդհանուր աշխատանքներին իր անձնական աշխատանքով: Արտելի աշխատանքներին ներգրավվում են նաև արտելին մասնակցողների ընտանիքների անդամները: Առաջին հերթին աշխատանքներին ներգրավվում են արտելի անդամները, 2-րդ հերթին նրանց ընտանիքները: Վարձու աշխատանք թույլատրվում է միայն՝ 1) կատարելու այնպիսի աշխատանքներ, ինչպիսիք պահանջում են հատուկ գիտելիքներ և ընդունակություն. 2) ինչպես ժամանակավոր միջոց աշխատավորների հիվանդության հետևանքով, վորոնք արտելի կազմին են պատկանում, կամ այն դեպքում յերբ դյուրատնտեսության պայմաններում պահանջվում է վորոշ աշխատավոր ձեռքերի հավելում, սակայն վարձու աշխատանքի քանակը ըստ աշխատանքի որերի չպետք է գերազանցի արտելին մասնակցող բանվորական որերի 20%-ից:

### § 37.

Այն դեպքում, յեթե արտելի անդամը հիվանդության կամ ուրիշ չնախատեսված պատճառներով՝ ժամանակա-

վորապես չի կարողանում մասնակցել արտելի աշխատանքներին իր անձնական աշխատանքով, նա պետք է ստանա արձակուրդ արտելի ընդհանուր ժողովից հատուկ թույլտվությամբ, այս կամ այն ժամկետով:

### § 38.

Աշխատանքի բաշխումը արտելի անդամների և նրանց ընտանիքների միջև վորը չի պահանջում հատուկ գիտելիքներ կամ ընդունակություն, պետք է կատարվի հավասարեցրման սկզբունքով: Աշխատավոր ձեռքերի շատության դեպքում, կարող է սահմանել հերթ, աշխատանք տալու համար: Աշխատանքների բաշխումը կատարվում է վարչության կամ տնտեսության վարիչի կողմից, վորին նշանակում է վարչությունը:

### § 39.

Արտելի անդամը պարտավոր է կատարել նրա վրա դրած բոլոր պարտականությունները, յեթե այդ աշխատանքը համապատասխանում է նրա ուժերին և ընդունակություններին: Վարչության կարգադրության մասին կարող է բողոքել ընդհանուր ժողովին: Սակայն մինչև նրա փոփոխումը մասնակցողը, պարտավոր է կատարել նրա վրա դրած բոլոր տեսակի աշխատանքները:

### § 40.

Արտելի անդամը և նրա ընտանիքը արտելի տնտեսության աշխատանքները կատարելիս, պարտավոր են յենթարկվել վարչության և բոլոր այն անձանց կարգադրություններին, վորոնք վարչության կողմից նշանակված են դեկավարելու և հսկելու աշխատանքների վրա:

Աշխատանքների ակնբախ կերպով չկատարելու և առանց հարգելի պատճառներով բացակայելու դեպքում, ընդհա-



նուր ժողովը կարող է հանցավորին առևգանել, կամ հեռացնել նրան արտելի կազմից :

§ 41.

Արտելի բոլոր անդամները և նրանց ընտանիքի անդամները, վորոնք իրենց աշխատանքը զնում են տնտեսության մեջ, ստանում են դրա համար վորոշ վարձատրություն, համաձայն կանոնների և գնահատության, վորը հաստատվել է ընդհանուր ժողովի կողմից : Ըստ վորում ընդհանուր ժողովը կարող է վորոշել վոր վարձատրության մի մասը յենթակա յե վճարման միայն դաշտային աշխատանքը վերջանալիս և տնտեսական տարվա հետեանքները պարզելիս : Աշխատած ժամանակի քանակը, աշխատանքի տեսակը, հասանելի վարձատրության չափը, նույնպես կանխիկ տված գումարները գրվում են մասնակցողի հաշվետու մասնագրքում վոր պակաս քան ամիսը յերկու անգամ :

§ 42.

Արտելի աշխատանքների ազատ ժամանակը, արտելը կարող է իր տրամադրության տակ գտնված կենդանի և մեռյալ ինվենտարը տրամադրել իր անդամներին ոգտադործելու համար, նաև այլ ձևերով ոժանդակելու նրանց, արտելի տնտեսությունից դուրս աշխատանքներ կատարելու :

Արտելին պատկանյալ դյուղատնտեսական մեքենաները և գործիքները կարելի յե տրամադրել նաև շրջակա ազգաբնակչությանը ոգտադործելու, յեթե այն արտելի տնտեսությանը վնաս չի հասցնում : Նույն պայմաններով էլ կարելի յե կատարել բեղմնավորում ազգաբնակչության եղանակները, արտելի ցեղական ցուլերով : Արտելի արտադրողական ձեռնարկներում, յեթե նրանք կարող են վերամշակել ավելի մթերքներ, քան վոր ինքը տնտեսությունը ունի,

այն դեպքում արտելը կարող է վերամշակել շրջակա ազգաբնակչության մթերքները :

Մեքենաների և գործիքների ոգտադործման, բեղմնավորման և ուրիշների մթերքները վերամշակելու համար, արտելը ստանում է իր ծախսերը ծածկելու համար վարձատրություն, վորը սահմանված է ընդհանուր ժողովի կողմից :

ՁՈՒՏ ՎՍՍՏԱԿԻ ՅԵՎ ՎՆԱՍՆԵՐԻ ԲԱՇՆՈՒՄԸ .

§ 43.

Արտելի տնտեսության բոլոր մթերքները անցնում են ամբողջովին արտելի տրամադրության տակ : Ի հաշիվ հասանելի վարձատրության արտելի յուրաքանչյուր անդամը իրավունք ունի ստանալու ընդհանուր տնտեսության մթերքներից իր և իր ընտանիքի կարիքների համար վորոշ քանակություն : Մթերքները բաց են թողնվում վարչության կողմից ամեն ամիս նշանակված գներով : Տրվելիք մթերքները գրի են առնվում մասնակցողի գրքույկում ինքնարժեքով և հաշվում է այդ ի դիմաց աշխատավարձի կամ այլ գումարների, վորոնք հասնում են մասնակցողին, կամ նրա ընտանիքի անդամներին :

§ 44.

Արտելի գուտ վաստակը դուրս դալով 25% -ից վոր պակաս պահեստի դրամադրիսի ոգտին, գրվում է ընդհանուր ժողովի տրամադրության տակ, վորը ըստ իր հայեցողության կարող է գործադրել :

ա) Դրամադրույուններն կազմելու կամ այդպիսիները լրացնելու համար—համաձայն արտելի առաջադրած նպատակների :



բ) Իբրև լրացուցիչ վարձատրություն արտելի անդամներին կամ նրանց ընտանիքի անդամներին իրենց աշխատանքի համար: §

գ) Կուլտուր-կրթական և այլ հանրագուտ նպատակների համար:

§ 45

Չուտ վաստակի բաշխումը արտելի անդամների մեջ կատարվում է կամ

ա) ըստ աշխատանքի քանակի, հաշվելով թե իր և թի ընտանիքի անդամների,

բ) կամ ըստ ուտոյների ( едоки ) քանակի կամ ըստ անդամների հողամասերի չափի և գ) այլ հիմունքներով:

Չուտ վաստակի բաշխման կարգը անդամների միջև սահմանում է ընդհանուր ժողովը, նախ քան դարնան դաշտահին աշխատանքների սկսելը:

Արտելի անդամների աշխատանքի համար լրացուցիչ վարձատրությունը, վորը տրվում է զուտ վաստակից, կատարվում է ընդհանուր ժողովի վորոշմամբ կանխիկ դրամով և կամ թե այդպիսին տրվում է ի հաշիվ նրանց փայերի:

§ 46

Արտելի չըջանառության ընթացքում առաջացած վնասը ծածկվում է պահեստի դրամագլխից, բայց յեթե այդպիսին չծածկի, այդ դեպքում լրացվում է հիմնական դրամագլխից: Սակայն ընդհանուր ժողովը կարող է, հիմնական դրամագլուխը թողնել անձեռնմխելի, պակասորդ դումարը բաժանել արտելի անդամների վրա ըստ իրենց պատասխանատվության չափի (հոդ. 17) և նշանակել ամեն մեկի համար վճարման ժամկետ: Հասանելիք դումարը ժամկետին չմուծելու դեպքում, վարչությունը վճարողին պատկանող փայը

փորանցում է ի հատուցումն պարտքի, իսկ յեթե վերջինս չի բավականացնում, պակասորդը դանձում է նրանից: Մի անդամից հասնելիք դումարը, այսպիսին նրանից մեկ տարվա ընթացքում չգանձելու դեպքում ժամկետը նշանակման որից, նորից բաժանվում է մնացյալ անդամների վրա՝ նըրանց պատասխանատվության դումարների սահմաններում: Տարեկան վնասների այդպիսի վերադրումը չի դադարեցնում կամ պակասեցնում անդամների լրացուցիչ պատասխանատվությունը, արտելի լուծարքի ժամանակ, համաձայն 97 հոդվածի:

ԱՐՏԵԼԻ ԳՈՐԾԵՐԻ ՎԱՐՈՒՄԸ

§ 47

Արտելի դործերի վարումը, դրվում է արտելի անդամների ընդհանուր ժողովի կողմից, վարչության վրա:

ԸՆԴՀԱՆՈՒՐ ԺՈՂՈՎ

§ 48

Ընդհանուր ժողովը կատարում է՝

ա) վարչության, վերստուգիչ հանձնաժողովի անդամների թեկնածուների ընտրությունը:

բ) Անդամի ընդունելությունը և հեռացումը:

գ) Արտելի անդամների հողամասերի սահմանումը, վորով վորոշվում է նրանց հողային իրավունքները, արտելից հեռանալիս կամ նրա լուծարքի դեպքում (հողային որենսպրքի 105 և 106 հոդվածների) դուրս յեկող անդամի հողի անջատման հարցի վորոշումը, և բուրբ այլ խնդիրների լուծումը, վորոնք կապված են հողագտագործման հետ (հողային որենսպրքի 51, 110 և 111 հոդվածների):



դ) Կանոնադրութեան լրացման կամ փոփոխման հարցերի լուծումը :

յե) Տնտեսական ծրագրերի, նախահաշիվների և հաշվետվութունների քննութիւնը և հաստատումը :

զ) Ոգուտի և վնասի բաշխումը, հատուկ դրամագլուխների հիմնադրումը, ալոգլուխների նպատակների վորոշումը և ծախսերի ձեւերի մշակումը :

է) Փայերի մուծման ժամկետի յերկրաձգումը :

ը) Վարչութեան և վերստուգիչ հանձնաժողովի համար կանոնների և հրահանգների քննութիւն և հաստատումը :

թ) Արտելի տնտեսավարական աշխատանքների ձեւերի, արտելային աշխատանքների կարգի, աշխատանքի պայմանների, նրա գնահատման և նույնանման հարցերի քննութիւնը ու հաստատումը :

ժ) Փոխառութիւն կնքելու հարցի վորոշումը :

ի) Անդամի կողմից արտելի ոգտադործման համար կամ վորպես սեփականութիւն տրվելիք գույքի ընդունման կարգի սահմանումը և այլ առթիվ արտելի և անդամի միջեւ կատարած համաձայնութեան հաստատումը :

թ) Արտելի և այլ ընկերութիւնների միջև առաջացած տարաձայնութիւնների վերացնելը և միութիւնների մեջ մտնելու հարցերի վորոշումը :

ի) Արտելի գործունեութեան դադարեցման հարցի վորոշումը և

ձ) Այն բոլոր հարցերի լուծումը, վորոնք վարչութեան իրավասութիւնից վեր է :

#### § 49

Արտելի անդամների ընդհանուր ժողովները լինում են տարեկան, վորոնք հրավիրում է տարվա ընթացքում 2 անգամ, վորից մեկը գարնան, դաշտային աշխատանքները դեռ

յեւս շահած, յերկրորդը հաշվետու տարին վերջանալուց յերեք ամիս հետո, բացի դրանից հրավիրվում են հերթից դուրս ժողովներ՝ ընթացիկ գործերի լուծման համար :

#### § 50

Տարեկան ընդհանուր ժողովները հրավիրվում են վարչութեան կողմից քննելու տարեկան հաշվետվութիւնը, նախահաշիվը և տնտեսական ծրագիրը, կատարելու՝ ընտրութիւններ ոգուտների և վնասների բաշխում և լուծելու ընթացիկ հարցեր :

#### § 51

Ընդհանուր ժողովները, ընթացիք հարցերը լուծելու համար, հրավիրում են ըստ պահանջի, ըստ վարչութեան վորոշման, կամ վերստուգիչ հանձնաժողովի, և կամ թե վոչ պակաս արտելի հինգ անդամի պահանջմամբ : Յեթե ընդհանուր ժողովը չի կայանում մեկ շաբաթվա ընթացքում, պահանջի հայտարարման որից, այն դեպքում այդպիսին հրավիրվում է վերստուգիչ հանձնաժողովի կողմից :

#### § 52

Ընդհանուր ժողովի տեղի և որվա, նայել քննութեան տունվելիք հարցերի մասին, արտելի անդամները պետք է ծանուցվեն 3 որ առաջ : Ընդհանուր ժողովի հայտարարութիւնը պետք է փակցված լինի, արտելի վարչութեան շենքում :

#### § 53

Ընդհանուր ժողովը համարվում է կայացած, յեթե արտելի անդամներից վոչ պակաս 3/4 մասը ներկա յե : Իսկ յեթե ընդհանուր ժողովը հրավիրվում է լուծելու հատուկ դրամագլուխի մուծվելիք վճարների հարցը, կանոնադրութեան



փոփոխումը, հողամասերի սահմանադժումը և փոփոխումն, անդամների հեռացումը, վնասների բաշխումը և արտելի գործունեություն զաղարեցումը, այն դեպքում այդ հարցերի լուծման համար անհրաժեշտ է, վոր ներկա լինեն արտելի անդամների ընդհանուր թվի  $\frac{3}{4}$  մասը:

### § 54

Յեթե ընդհանուր ժողովի նշանակման որը չեն հավաքվի 53-րդ հոդվածում նշած անդամների քանակության, այն դեպքում յերկրորդ անգամ նշանակվում է ժողով մի շարքից հետո: Այդ ընդհանուր ժողովը համարվում է կայացած անկախ ներկա յեղողների թվից:

Յերկրորդ ընդհանուր ժողովում լուծվում են այն հարցերը, վորոնք դրված են յեղել չկայացած ընդհանուր ժողովի որակարգում:

### § 55

Ընդհանուր ժողովում նախագահում է, ընդհանուր ժողովից ընտրված հատուկ անձնավորությունը: Վարչության անդամները չեն կարող ընտրվել ժողովի նախագահ: Ընդհանուր ժողովի արձանագրումը կատարում է ժողովի կողմից ընտրված քարտուղարը:

### § 56

Ընդհանուր ժողովում արտելի յուրաքանչյուր անդամը ունի միայն մեկ ձայնի իրավունք և այդպիսին ուրիշին չի թույլ տրվում տալ: Վարչության և վերստուգիչ հանձնաժողովի անդամները ընդհանուր ժողովում ոգտվում են արտելի մյուս անդամների նման համահավասար իրավունքով, սակայն չեն ոգտվում վճուական ձայնի իրավունքով հետեվյալ հարցերի լուծմանը:

ա) Հաշվետվության հաստատմանը,

բ) Նրանց գործունեությունից գնահատման  
գ) Սահմանված ժամկետից առաջ, նրանց պաշտոնից հեռացնելու և

յե) Նրանց դատական պատասխանատվության կանչելու դեպքում:

Վարչության հրավերով ընդհանուր ժողովին կարող են մասնակցել խորհրդակցական ձայնով նաև արտելի վոչ անդամները:

### § 57

Սույն կանոնադրության 53-րդ հոդվածում նշած հարցերի վորոշման համար պահանջվում է, վոր ներկա լինեն ընդհանուր ժողովին արտելի անդամների  $\frac{3}{4}$  մասը: Մնացած գործերը և հարցերը վորոշվում են ձայների հասարակ մեծամասնությամբ: Չայների հավասարացման դեպքում հարցը համարվում է չլուծված:

### § 58

Ընդհանուր ժողովում հարցերը վորոշվում են բաց քվեարկությամբ: Գաղտնի քվեարկությունը ընդունվում է կամ ընդհանուր ժողովի վորոշմամբ, կամ, յեթե անդամներից վորեկի մեկից այդ մասին հայտարարություն արվի:

### § 59

Ընդհանուր ժողովի վորոշումները արձանագրվում են ընդհանուր ժողովի արձանագրությունների մատյանում և ստորագրվում ժողովի նախագահի, քարտուղարի, վարչության անդամների, ժողովի ներկա յեղողներից՝ արտելի լիազորությամբ արձանագրությունը ստորագրելու համար, վոչ պակաս յերեք անդամների կողմից:

Արձանագրությանը կցվում է ժողովին մասնակցող բոլոր անդամների ցուցակը յեթ նրանց անունները արձանա-



դրութեան մեջ չի հիշատակված: Այդ ցուցակը հաստատում են նույն անձինք, վորոնք ստորագրում են ընդհանուր ժողովի արձանագրութիւնը:

§ 60

Ընդհանուր ժողովում յուրաքանչյուրը իրավունք ունի հայտարարելու իր հատուկ կարծիքը և պահանջելու, վորպէսզի գրվի արձանագրութեան մեջ, յետե նա գտնուած է ընդհանուր ժողովի վորոշումները որենքին կամ արտելի կանոնադրութեանը հակառակ, կամ թէ արտելի չահերին չհամաձայնեցրած:

§ 61

Ընդհանուր ժողովի վորոշումները ուժի մեջ են անցնում այդպիսիների ընդունվելուց, ի բաց առյալ այն վորոշումների, վորոնք վերաբերվում են կանոնադրութեան փոփոխումներին: Վերջինները ուժի մեջ են անցնում տոմարագրվելուց հետո կանոնադրութիւնների տոմարագրման համար սահմանված կարգով:

ՎԱՐՉՈՒԹՅՈՒՆ

§ 62

Վարչութիւնը հանդիսանում է արտելի գործադիր մարմինը, նա պարտավոր է արտելի բոլոր գործերը վարել, ինչպէս մի բարեխիղճ ընկերոջ, ղեկավարվելով համաձայն սույն կանոնադրութեամբ և ընդհանուր ժողովի կողմից հաստատված կանոններով և հրահանգներով: Վարչութիւնը հանդիսանում է վորպէս իրավական մարմին, կառավարելու արտելի բոլոր գործերը, նույնպէս միջամտութիւն ունենալու արտելի անդամների և կողմնակի անձանց ու հիմնարկութիւնների հետ ունեցած հարաբերութիւններին:

§ 63

Վարչութիւնը ընդհանուր ժողովի վորոշմամբ, կարող է հանձնարարել վարչութեան վորյեվէ անդամին վարելու արտելի ընթացիք աշխատանքները: Այդ անձավորութիւնը (СТАРОСТА) գործում է վարչութեան անմիջական ղեկավարութեամբ, ունենալով վերջինից համապատասխան հաստատմագիր:

§ 64

Մասնավորապէս վարչութիւնը հանձնարարում է՝

ա) Ընդհանուր տնտեսութեան և նրա առանձին ձեռնարկների ղեկավարումը, աշխատանքների բաշխումը, կառավարիչների, ավագի (СТАРОСТА) նշանակումը և այլն:

բ) Արտելին և նրա անդամներին անհրաժեշտ կայքի ընդունումը և պահպանումը, արտելի և նրա միայնակ անդամների արտադրած մթերքների վաճառահանումը:

գ) Արտելի սեփական և նրան հանձնած ունեցվածքի յուրացակազրումը:

դ) Դրամի ընդունումը, վճարումը և պահպանելը, նրա մթերքների և նյութեղենի ընդունելը, բաց թողնելը և պահպանելը:

յե) Պայմանագրերի կնքումը:

զ) Համաձայն ընդհանուր ժողովի վորոշման, փոխառութեան կնքումը, պարտավորութիւնների և փոխառութիւնները տալը, փոխառութիւնների ստացումը և արտելի անդամներից ավանդների ընդունումը:

է) Արտելի ոգտին բռնազանձում կատարելը դատարաններում, դատարաններում արտելի գործերով վորպէս հայցվոր և պատասխանատու հանդիսանալը:

ը) Հալատարմագրեր տալը:



թ) Արտելի անդամների փայլի, մուտքի վճարների և լրացուցիչ գումարների չափի վորոշումը:

ժ) Արտելի գործավարութեան, գրքերի և հաշիվների վարումը:

ի) Տարեկան հաշվետվութեան, նախահաշիվի, տնտեսավարական ծրագրի կազմելը և այլ գործերի կատարումը, վորոնք անհրաժեշտ են ընդհանուր ժողովին ղեկուցելու համար:

լ) Ընդհանուր ժողովի հրավիրումը:

խ) Արտելի աշխատանքների բոլոր ճյուղերի վերաբերյալ կանոնների և հրահանգների կազմելը, և այդպիսինը ընդհանուր ժողովին ներկայացնելը, ի քննութեան:

ծ) Արտելի ծառայողների և բանվորների ընդունելութեանը և հեռացումը և

կ) Այլ պարտականութեանները կատարումը, վորոնք բղխում են կանոնադրութեանից և ընդհանուր ժողովի կողմից ընդունված՝ վորոշումներից:

### § 65.

Վարչութեան կազմը բաղկացած է լինում վոչ պակաս 3 անդամից, վորոնց ընդհանուր ժողովը ընտրում է արտելի անդամներից՝ մեկ տարի ժամանակով:

Վարչութեան անդամներին կարիք յեղած դեպքում փոխարինելու համար ընդհանուր ժողովը նույնքան ժամանակով ընտրում է մեկ կամ յերկու թեկնածու:

### § 66.

Վարչութեան և վերստուգիչ հանձնաժողովի կազմի մեջ չեն կարող մտնել միաժամանակ այնպիսի անձինք, վորոնց յերկրորդ աստիճանի ազգակցական կապեր ունեն միմիայնց

հետ (ծնողներ, ամուսիններ, յերեխաներ, թոռներ, յեղբայր և քույր):

### § 67.

Ընդհանուր ժողովից է կախված վարչութեան նախագահի ընտրութեանը, կամ թե իրավունք է վերապահվում վարչութեանը իր կազմից նախագահ ընտրելու: Վարչութեան նախագահի բացակայութեան դեպքում նրան փոխարինելու համար ընտրվում է նաև տեղակալ:

### § 68.

Վարչութեան նիստերը հրավիրվում են նախագահի կողմից, վոչ պակաս յերկու շաբաթը մեկ անգամ, նիստերի ժամանակի (տեղի և ժամի) մասին վարչութեան սենյակում պետք է փակցրած լինի հայտարարութեան:

### § 69.

Վարչութեան նիստերը համարվում են կայացած, յերբ ներկա են լինում վարչութեան յերեք անդամը, վորոնց թվում նախագահը կամ փոխնախագահը:

### § 70.

Վարչութեան բոլոր գործերը լուծվում են ձայների հանարակ մեծամասնութեամբ: Ձայների անհավասարութեան դեպքում, նույնպես և լուրջ տարաձայնութեանների դեպքում, վիճելի հարցը փոխադրվում է ընդհանուր ժողովի քննութեանը և լուծմանը:

### § 71.

Վարչութեան վորոշումները արձանագրվում են արձանագրութեանների մատյանում և ստորագրվում ներկա գտնվող վարչութեան բոլոր անդամների կողմից:



Վարչութեան աշխատակիցները ներքին կարգապահությունը և վարչութեան յուրաքանչյուր անդամի պարտականութիւնները սահմանվում են, ընդհանուր ժողովի կողմից հաստատված հրահանգներով:

Հավատարմագրերը, պարտավորագրերը, պայմանագրերը, չեկերը, մուրհակները դրամական այլ փաստաթղթերը և պարտավորագրերը, վորոնք ստորագրվում են վարչութեան կողմից պետք է ունենա անպայման վարչութեան կամ փոխնախագահի, նաև վարչութեան մեկ այլ անդամի ստորագրութիւնը:

Յեթե հաշվետվութիւնը հանձնարարված կլինի կազմելու վարչութեան վորեւե անդամին, այն դեպքում այդ պարտականութիւնները չպետք է միացվեն գանձապահի պարտականութիւններին: Բացի այդ արտելի գանձապահը իրավունք չունի կառավարել վորեւե այլ դրամարկղ:

Վարչութեան անդամի հիվանդութեան, ժամանակավորացկայութեան, կամ նախ քան ընդհանուր ժողովի գումարվելը և հեռացվածի տեղը դրավում է շատ ձայն ստացած թեկնածուն:

Ընդհանուր ժողովը, վարչութեան անդամներին իրենց կատարած աշխատանքների համար կարող է նշանակել միանվագ կամ մշտական աշխատավարձ:

Վարչութեան վորոշումների դեմ կարելի չե բողոքել վերստուգիչ հանձնաժողովին, կամ ընդհանուր ժողովին:

Վարչութեան անդամը ժամանակից առաջ կարող է հեռացվել պաշտոնից ընդհանուր ժողովի վորոշմամբ:

Վարչութեան կողմից արտելին հասցրած վնասները, իրենց պարտականութիւնների խախտման հետեանքով, վարչութեան անդամները համահավասար պատասխանատու չեն իրենց ամբողջ ունեցվածքով: Այն գործերով, վորոնք ընդհանուր ժողովի կողմից հանձնարարված են յեղել հատկապես վարչութեան մեկ անդամին, և հետագայում խախտելով կանոնները արտելին վնաս է հասցրել, վարչութեան մնացած անդամները պատասխանատվութիւն չեն կրում, յեթե նրանք հնարավորութիւն չեն ունեցել ժամանակին կասեցնելու վնասները:

ՎԵՐՍՏՈՒԳԻԶ ՀԱՆՁՆԱԺՈՂՈՎ.

- Վերստուգիչ հանձնաժողովին հանձնարարվում է՝
- ա) Գույքի, դրամարկղի, հաշիվների, գրքերի, փաստաթղթերի և արտելի բոլոր գործունեյութեան վերստուգումը.
  - բ) Տարեկան հաշվետվութեան նախահաշիվի, տնտեսական ծրագրի, և վերաստուգման աշխատանքների առթիվ՝ ընդհանուր ժողովին իր յեզրակացութիւնը ներկայացնելու խնդիրները.
  - գ) Վարչութեան վրա դրված բողոքների քննութիւնը:



Վերստուգելի Հանձնաժողովի ղեկուցումները և յեզրակացութիւնները, նախ քան ընդհանուր ժողովին ներկայացնելը, հայտնվում և վարչութիւնը՝ տալու համար այդ առթիվ հարկ յեղած բացատրութիւնը:

Վերստուգելի հանձնաժողովը բաղկացած է լինում վոչ պակաս 3 անդամից, վորոնց ընտրում և արտելի անդամների ընդհանուր ժողովը 1 տարի ժամանակով, ըստ վորում վերստուգելի հանձնաժողովի կազմի մեջ չեն կարող ընտրվել վարչութիւն անդամները և արտելի ծառայողները:

Վերստուգելի հանձնաժողովի անդամներին, կարիք յեղած դեպքում փոխարինելու համար, ընդհանուր ժողովը նույնքան ժամանակ ընտրում է նաև մեկ կամ յերկու թեկնածուներ:

Վերստուգելի հանձնաժողովը դումարվում է՝ ընդհանուր ժողովի ցուցմունքներով և այլ որերին ու կարիք յեղած դեպքում նաև իր հայացողութիւնով:

Վարչութիւն վրա գրված բողոքների, վերստուգման ժամանակ հայտնաբերած թերութիւնների և սխալների առթիվ վերստուգելի հանձնաժողովը տալիս է ցուցմունքներ: Այն դեպքում յերբ հայտնաբերում է խոչըր անկանոնութիւններ և չարաչահութիւններ արտելի գործերում, վերստուգելի հանձնաժողովը հրավիրում է անդամների ընդհանուր ժողով ստճամանած ժամանակից առաջ:

Վերստուգելի հանձնաժողովի դեմ բողոքներ տրվում են անդամների ընդհանուր ժողովին, սակայն վոչ այլ կերպ, քան վերստուգելի հանձնաժողովի միջոցով, վորը պարտավոր է այդպիսին ներկայացնել անդամների առաջիկա ընդհանուր ժողովին:

Վերստուգելի հանձնաժողովի գործունեյութիւն նկատմամբ կիրառվում է նաև սույն կանոնադրութիւնի 66, 67, 69, 72, 76, և 78 հոդվածները:

ՀԱՇՎԵՏԱՐՈՒԹՅՈՒՆ ՅԵՎ ՀԱՇՎԱՊԱՀՈՒԹՅՈՒՆ

Արտելը իր տնտեսավարական աշխատանքները ճիշտ հաշվետման համար, ունենում է հաշվետարական գրքեր, ուր գրանցվում է՝

ա) Արտելի ամբողջ շրջանառութիւն ընդհանուր մուտքը և յեւթը:

բ) Արտելի ամբողջ ունեցվածքի հաշիվը:

գ) Արտելի և ծառայողների, կողմնակի անձանց, նաև հիմնարկութիւնների հետ ունեցած հաշիվները—առանձին առանձին:

դ) Արտելի յուրաքանչյուր անդամի փայավհարների և այլ հաշվարկների հաշիվը:

Արտելի հաշվետու տարին սկսվում է 1-ն

և վերջանում է . . . . .

1-ին: Մինչև այդ, առաջին հաշվետու տարին հաշվում է վերջին թիվը հաշված արտելի գործունեյութիւն որից:



Տարեկան հաշվետվութիւնը, իր մեջ պետք է պարունակի բոլոր անհրաժեշտ տեղեկութիւնները, մասնավորապէս՝ միջոցների (հաշվեկշռի), դրամագլխի շրջանառութեան, ունեցվածքի, անդամների և մասնավոր անձանց ու հիմնարկների հետ կատարած հաշվարկման, տնտեսութեան ամեն մի ճյուղի, ոգուտի և վնասի հաշվառման, մուտքի, յեւքի և մնացորդի մասին առանձին-առանձին, նույնպէս և անդամների թվի փոփոխումների ու պարտավորութեան գումարների նշանատուները:

Տարեկան հաշվետվութիւնը պետք է կազմված լինի և ստուգված վարչութեան կողմից, վոչ ուշ քան յերկու ամսվա ժամանակաընթացքում, հաշվետու տարին վերջանալուց հետո:

Յեթե նշանած ժամանակաընթացքում վարչութեան կողմից կազմված չլինի հաշվետվութիւնը, այն դեպքում վերըստուգիչ Հանձնաժողովը պարտավոր է այդպիսին կազմելու համար հանձնարարել ուրիշ անձանց ի հաշիվ վարչութեան: Մինչ ընդհանուր ժողովին ներկայացնելը, հաշվետվութիւնը գրքերով և փաստաթղթերով ստուգում է վերըստուգիչ Հանձնաժողովը, վորի մասին նա համապատասխան մակագրութիւն է անում և վավերացնում է իր անդամների ստորագրութիւններով:

Հաշվետվութիւնը ընդհանուր ժողովին ներկայացվում է, վերաստուգիչ Հանձնաժողովի յեղրակացութեամբ:

**ԱՐՏԵԼԻ ԳՈՐԾԵՐԻ ԴԱԴԱՐԵՑՈՒՄԸ**

Արտելը լուծարքի յե յենթարկվում՝

ա) Արտելի անդամների ընդհանուր ժողովի վորոշմամբ՝  
բ) Դատարանի վորոշմամբ յերբ հայտնաբերվում է վորարտելը միջոցներից զուրկ է:

գ) Հայդյուղկոտպի վորոշմամբ, յերբ արտելը նշած նրպատակներից շեղումներ է կատարում կամ գործում է ի վնաս պետական շահերի:

դ) Այն դեպքում յերբ անդամների թիվը 5-ից պակաս կլինի:

Վերջին կամ այլ դեպքերում յերբ ընդհանուր ժողով հնարավոր չի ունենում գումարել՝ լուծարքի յենթարկելու վորոշում կայացնելու համար, վարչութիւնը կամ արտելի մնացած անդամները պարտավոր են անմիջապէս այդ մասին հայտնել, Հայաստանի Գյուղատնտեսական կոոպերատիվների Միութեանը (Հայդյուղկոտպին) և ստանալով վերջինից յիստորութիւն սկսել լուծարքի աշխատանքները:

Արտելի լուծարքի կարգը վորոշվում է ընդհանուր ժողովի հատուկ վորոշմամբ:

Ընդհանուր ժողովի վորոշումը, լուծարքի մասին, հայտնվում է այն հիմնարկութեանը, վորտեղ տոմարագրված է յեղել արտելի կանոնադրութիւնը, և այդ մասին հայտարարվում է տեղական պաշտոնական մամուլում: Լուծարքի ժամկետը մի տարուց ավելի չպետք է լինի՝ հաշված լուծարքի մասին կայացած վորոշման որը:

Արտելի լուծարքը կատարում են վարչութեան անդամները, յեթե ընդհանուր ժողովը այդ աշխատանքը հանձնա-



րարած չի լինում այլ անձանց : Լուծարք անողների թիվը 3 հոգուց պակաս չպիտի լինի :

§ 95.

Լուծարք անողները յենթարկվում են վարչության անդամների համար սահմանած բոլոր կանոններին, և նույն հիմունքներով էլ կրում են պատասխանատվություն՝ արտելին հասցրած վնասների համար. նույնպես յենթակա յեն վերաստուգիչ Հանձնաժողովի հսկողությանը :

§ 96.

Լուծարք անողները կատարում են արտելի պարտականությունները—ստանում և գանձում են նրա պահանջամբ, ու վաճառում արտելի պատկանյալ գույքը : Լուծարք անողները նոր պարտավորություններ կարող են անել այն դեպքում միայն, յեթե այդ առթիվ ընդհանուր ժողովը սվել է իրավունք :

§ 97.

Յեթե արտելի ունեցվածքը չի բավականացնի նրա պարտքերը ծածկելու համար, այն դեպքում կազմվում է հաշիվ, թե արտելի յուրաքանչյուր անդամ իրեն պատասխանատվության սահմանում (հոդ. 17-րդ) ինչ գումար պետք է վճարե : Այս ձևի պարտքի վճարումը տարածվում է նաև հեռացված անդամների վրա (հոդ. 19-րդ) : Գումարները կանոնավոր չվճարման դեպքում, այդպիսին գանձվում է դատական կարգով :

§ 98.

Արտելի մասնակցողների փայերը կարող են վերադարձրվել տերերին մինչև, վոր չծածկվեն արտելի պարտքերը. համենայն դեպս վոչ ուչ քան մի տարուց հետո, հաշվելով

լուծարքի մասին հայտարարություն տված որը : Այն գույմարները, վորոնք անհրաժեշտ են վճարելու արտելի վիճելի պարտքերի, և ժակետները դեռ ևս չլրացած պարտքերի հատուցման համար, լուծարք անողների կողմից վորոչ մաս են հանվում :

Սույն հոդվածի խախտման համար լուծարք անողները համահավասար պատասխանատու յեն, ինչպես արտելի առաջ, նույնպես և նրա պարտատերերի հանդեպ : Նույնպիսի պատասխանատվություն և դրվում նաև վերստուգիչ Հանձնաժողովի անդամների վրա, յեթև նրանք հայտնարերկրվ խախտումը, այդ մասին յեն հայտնի դրավոր ձևով :

§ 99.

Բոլոր հոգամասերը, վորոնք արտելի ոգտագործմանն են անցել իրենց անդամներից, նույնպես արտելի աշխատանքային ոգտագործման համար հատկացրված հոգերը, բաշխրվում են արտելի անդամների միջև հարաբերական չափով, բոտ նրանց հոգերի բաժինների (հոդ. սրենսդրքի 105, 106 և 111 հոդվածները) : Այն հոգամասերը, վորոնք մնում են պետության տմիջական արամագրության տակ, հանձնվում են հոգային մարմիններին :

§ 100.

Լուծարքային ժողովը վորսչում է հոգերի հետագա ոգտագործման կարգը (համայնական, չըջանային, և այլն), վորը յենթակա յե բաշխման արտելի անդամների միջև նրանց աշխատանքային ոգտագործության համար (հոդային սրենսդիրք 51 և 111 հոդվածը) :

§ 101.

Լուծարքը վերջացնելուց հետո, լուծարք անողները կազմում են իրենց գործունեյության մասին հաշվետվություն,



ժողովրդի Կերտառուցիչ Հանձնաժողովի յեզրակացութեամբ և  
ներկայացվում են ընդհանուր ժողովին ի հաստատութեան:  
Հաշվետվութեանը հաստատութեանը հետո լուծարքի, վերջա-  
նայում մասին հայտնվում և Հայկյուղկոտային, ուր և ուղարկ-  
վում և արտելի բոլոր գրքերը և փաստաթղթերը:

Լուծարքը վերջանայում մասին հայտնվում և տեղական  
պաշտոնական մամուլում:

102.

Արտելի պարտքը վճարելուց և փոխերը վերադարձնելուց  
հետո, լուծարք անողները արտելի մնացորդ գույքը հաս-  
կացնում են կոստերատիվ և այլ հասարակական կարիքներին  
համար՝ լուծարքային ընդհանուր ժողովի ցուցմունքով:

ՀԻՄՆԱԴԻՐՆԵՐ՝



ՀՀ Ազգային գրադարան



NL0193308



30.578

ՀԱԼՊՈԼԻԳՐԱՏԻ ԱՌԱՋԻՆ ՏՊԱՐԱՆ

Գրախ. 201բ.

Պատվ. 3262

Տիրաժ 500